


濟寧州志

十四
十五



DS
793
842
C5532
1785
v.8



濟寧直隸州志卷十四

古蹟四

寺觀

自二氏以象教而琳宮紺宇徧於天下矣然勾踐以黃金鑄范蠡而令國中朝之固在二氏未興以前也其學以清靜無爲爲本而其爲教則主於以鬼神之福善禍淫勸懲斯民不用刑罰而天下自治亦猶殷人尙鬼之遺意也雖見屏於儒者而古跡具存弗可廢矣

慈燈寺在州城西門外

聖祖仁皇帝南巡命巡撫趙世顯建

通志

按慈燈寺本一茅菴康熙四十四年

翠華南幸僧持盆草以獻曰此一統萬年青也因建此

寺

普照禪寺在城西北隅

普照禪寺齊梁古刹也有六楞唐碑字多闕載
寶歷二年重修又有金党懷英隸書二碑正統
間護藏勅碑僧正司俱用寺僧康熙十年僧妙

淨捐金重新

舊志

按大殿額郡人于若瀛題寺南有虎溪橋

藏經閣在寺內有明正統時御賜藏經萬歷初
燬總河劉東星郡人于若瀛重募建閣外有正
統十年御賜藏經碑記

明陳宸銘重修藏經閣記濟寧普照禪寺一區
措於城內之西偏蓋乾鎮也創置重繕閱代良
久據舊碑歷歷可考大雄殿後高閣五楹碑稱
淨公無塵和尚創自洪武初迨正統間賜釋經
一藏安置其內俾僧徒供奉檢誦萬歷戊子不
戒於火閣與經俱燼諸祝融矣閣燬而城中科
第稀踈寺內僧衆凋散者十餘年值沁水劉公

總河濟上見舊址而惻然捐俸重構一時郡中
守令悉輸恐後中丞念東于公毅然爲紳士商
農先輸俎遂振落成于庚子歲重雷複楹一如
前制獨移蹬道于閣內爲稍異云是科先太常
聯第同登者四人嗣是甲乙蟬奮盛如曩時乃
知閣之興廢闔邑旺氣所關非特一隅之鴻利
一城之巨觀也其後僧衆請經金陵庋貯閣上
距今五十年風雨之所浸漬霜日之所凌厲棟
宇不無稍圯况自兵革以來戎器興作皆集於
寺中冶鑄之光霞飛電麗金鐵之聲霆震雷轟

邑人士禁足不敢入寺遙望不敢登閣者十餘
年矣會憲臺禁戰守具不得藏佛居僧正定然
住持貞一始灑掃潔除而上人格天復率僧朝
夕課誦來遊者始得登陟眺玩其上孟君肅陽
等覩榱桷間微有朽剝糾社釀金積歲餘庀材
具而招工匠躬親督調半載乃竟厥績麗壯華
整頓改舊觀輒問記于予予曰閣建于總河劉
公會不之記而今是記毋乃掩前績而詡新美
乎曰斯舉也正爲劉公于公偕古澄日久而湮
事逝而遷後人靡所傳述惘惘然悲先德之終

就淪沒也予唯唯乃併先人而爲之記劉公名
東星于公名若瀛僧古澄名妙湛其捐輸姓名
並列碑陰

金趙溈普照禪寺照公禪師塔銘師諱智照姓
禹氏泰安奉符人世以農爲業師自幼穉時體
貌溫雅如成人性慕佛道不樂世間榮利事父
母聽許出家禮蓮峰山主朗公爲師大定十二
年受具足戒其後遊方首訪沂陽真禪師叅叩
元機朝夕忘倦已而謁裕公于聊城見師顏貌
奇偉器宇宏廓甚禮遇之師旣入叅機鋒迅捷

非衆人可及欲請道要者凡數年悟無所得頗
蒙卽可欲傳法衣師拒不受乃歸受業寺卽谷
山禪寺也因得省親以全孝道已而主持寺事
發大誓願設萬僧齋歲閱再期遂滿本願乃辭
衆之沈上皓公禪會皓公一日出一句偈云枯
木生花日師對之曰寒灰發焰時皓深許之足
成一偈云元微都及盡何似眼如眉皓公遷居
濟上師從至郡爲座元至是方與皓公有密契
處一言之下心華發明十方世界無非淨土大
體大用莫不得之一日復歸蓮峰皓公謂師曰

汝霜墜果熟時也固難冷坐孤峰當接物利生
報佛恩耳師于是傳衣嗣法仍有偈付之曰黃
龍正派湧波濤走電奔雷意氣高雲洞何人著
精采好將鋤斧振吾曹師得法衣亦有偈曰雞
足山中藏不定此回拈出更新鮮展開不費纖
毫力免得黃梅半夜傳師抵蓮峰惟日中一食
孤坐雲房入寂照三昧如是者數年皓公還居
鈎盤太守劉公聞師道譽遣人齋疏請師住持
師至濟上官民縉素傾心歸仰時大定二十九
年也師所住寺久闕修飾自知法道大振可以

成就勝事始于正殿莊嚴西方三大士像又

法輪寶藏諸佛菩薩天龍鬼神四衆

圍繞諸天香雲彌覆周匝皆窮極巧麗遂爲東
州瑰偉之觀師猶以爲未也乃謂寺衆曰輪藏

聞京師宏法寺有藏教板吾當

往彼邸造之卽日啟行遂至其寺凡用錢二百

萬有奇得金文二全藏以歸一寶輪藏黃卷赤

軸

殿中安置壁藏皆梵冊漆

板金字以爲嚴飾度幾清衆易於翻閱凡此勝
緣若有神助富者施財壯者施力匠者施工不

四三年以至鐘樓門廡寮舍厠庫無有不備偉
哉福田遂爲東州第一落成之日作大法會空
中慶雲皆成寶色又有樂音來自雲際四衆讚
歎異口同音得未曾有師一日謂衆曰吾嗣有
人續佛壽命又賴檀施此等成就種種勤苦皆
利後人吾於佛門無媿矣忽示疾留偈辭世云
濟水灘頭厭世歸黃梁夢裏盡成非轉身不守
虛明地嬾看庭前片月暉言訖端坐而逝寔明
昌六年八月十二日也送葬者數萬人無不感
泣荼毘已爪甲不灰舍利莫知其數非師道德

超邁能致是耶信可謂死而不亡者矣師享年
四十有五僧臘二十有二嗣法三人曰宗能廣
慶智寶落髮門弟子八人曰祖顯祖正祖了法
祐廣安祖義廣琛廣珍皆精進辦道具戒定慧
有師遺風起建靈塔於郡之北監寺僧祖方暨
廣琛來京師謁文于黃山趙胤欲刻諸石以傳
不朽胤與師同鄉里知師爲詳義不可辭乃遂
序而銘之銘曰堂堂照公僧中之英脫離情識
超出死生傳持之餘興大佛事莊嚴道場修建
長利煌煌金文照映寶輪於無相中以法施人

了人了已儼然示寂我銘其塔永世楷式

明靳學顏病起詣普照寺詩積陰澗重陸澤氣
含夕霏噴籥淒無語僧廬各掩扉龍象渺變現
儔侶漸依稀過從旣云鮮機事信已微寡營欲
易足慮冲罕所違至人無去就喧寂相因依損
已累自遣謝物使情腴奚必綰囊鉢始云返初
衣一往四十載三十九年非是非俱莫辨於此
入無機

兩城集

明于若瀛夏過普照寺二首火宅炎蒸極無消
此日長偶來依梵宇時復禮空王貝葉翻床靜

曇花拂座香雪山趣大海坐惹塏雲涼石上趺
跏坐香臺啜茗餘其持無上咒回向未來初院
宵疑靈鷲山空響木魚洞虛何所見不見卽如

如

弗告
堂集

于驥逸冬日過普照寺詩乘暇輒來此幽懷愜
所尋鳥移雙樹動鹿睡一溪深坐久捐塵累談
空見佛心疎鐘與寒磬一一眷清吟

楊來鳳普照寺贈雪居禪師詩城隅古寺雪初
晴天外遙峯積翠橫幸值拈花慚點石敢言喫
棒破疑城定回經院聆宵磬偈散香臺度早鶯

却憶坐來名利盡浮生平日不勝情

李壯普照寺問禪居詩廣庭梧竹勝靜境積清
陰妙偈空中散天花座上深因茲眺聽處解我
鬱陶心爲示曹溪語耐堪永夜尋

楊通俶登普照寺閣詩紺碧前朝寺荒涼不記
年尙餘傑閣在佛日冷晴烟捫壁盤石磴登臨
意惘然貝藏何年沒維摩空問禪凭欄遙送目
逶迤一城延喬木排蔥蒨甲第鬱駢闐人烟生
足下一握去蒼天所恨猶禪束睥睨限目前此
邦舊雄盛自昔多英賢臨風恣遊賞詎止億與

千塵跡在彈指身去名亦遷悠悠羊叔淚揮洒
峴山巔相顧成嗟慨聊復進觥船風起簷鈴吠
悽其落照邊

鐵塔寺在河督軍門之東郡人于若瀛題額

鐵塔寺古釋迦寺也原名崇覺寺在漁山東創
於北齊皇建中宋崇寧間徐永安妻常氏增建
鐵塔七級高挿雲霄塔居學宮巽方實文筆峯
也郡人王梓王均有記

舊志

明王梓修鐵塔記物之成敗興廢必有其時而
當成也興也必有大奇異以發其祥郡城釋迦

禪寺建于齊皇建中寺有鐵浮屠七級俗呼爲鐵塔因以名寺相傳宋崇寧間徐永安妻常氏所造云濟素稱雄郡名川古堞烟樹環合乃鐵塔巋然高出于千櫓萬竈間遠望之益奇實茲土鉅觀也塔無頂譬偉丈夫劒佩哉然冠冕不飾譚者往往以爲未盡觀美適楚龔公以少府分署于濟慨然欲成之維時郡侯蕭公亦以爲言遂謀諸薦紳先生僉曰可謀諸鄉人士僉亦曰可于是相與協力聚財鳩工營始于萬歷九年八月越明年事竣比前增級二頂銅質金章

四周垂以風鐸塔前有層樓蓋懸鐘處以其餘
稍修葺之摧簷敗垣與塔更新矣是歲秋風來
自東南晝幾晦俄而巨雷起塔下有火如斗隨
之如是者再翻騰震突不可名狀乘風雲西北
而去逾時乃定是固大異夫大異必當有應之
者暇日從二三君子登太白樓望焉曰是昔之
闕而未備黷而未耀者與然則固有時也已而
還坐樓中因念唐宋擅財賄負氣勢者何可計
數然皆與時磨滅已矣而是樓與是塔且雄視
無極匹婦有志可以垂不朽而曠達之士足跡

所投輒永終譽焉君子於此得其概矣作增修

鐵塔記

準提閣在寺殿後里人邱養昇等僧宗月捐募

鼎建上供藏經

舊志

聲遠樓在鐵塔寺石臺高丈許上建危樓懸鐘其內鐘形甚古厚尺許五夜撞之聲聞數十里

濟寧道無錫龔勉書匾

舊志

明許彬重建鐘樓記郡之有鐘鼓所以警昏曉嚴視聽一衆志也非有司賢明常加修葺亦豈能久而不廢哉濟寧郡治東南舊有鐘樓懸鴻

鐘以嚴朝夕之禁乃宋勝國時所遺迨元至正十三年爲州者又重修之規模宏麗壯觀當時歷歲滋久風雨震陵樓已壞而餘臺基鐘雖存而漬苔蘚前之爲州者困於務因循至今乃天順四年冬廵按山東監察御史秦和康公驥盧龍李公勝暨山東都帥狄公巖適經舊址詢知其故二公顧謂州衛官僚曰興廢補敝鐘鼓分明有司善政之一端也屬茲時和歲稔諸君盡各捐俸金以相成之衆曰諾因命管操州同知郝敬提督其事狄公復從首出白金五兩以爲

倡諸將校僚吏及兵民富室聞其言各以其貲
來助者動以數百計遂命公直者掌之由是庀
事僦工輦石陶甃財用羨餘而不擾于人工役
農隙而不妨於政加以歇操民丁懽忻趨事臺
視舊東西濶五丈南北濶六丈加高於上者丈
六尺餘其中築寔以土而以石包砌其外架樓
閣於上者三楹又高出三丈六尺也畫棟雕甍
麗乎霄漢官民老稚往來瞻望者莫不舉首加
額慶斯樓之再遇重二公之嚴命多二守之用
心也狄公知其意謂盛事不可無傳乃過予

陽道其事徵文記之予惟濟寧東魯之太郡水
陸之要衝兵民雜處商賈錯居不下數十萬家
體大事殷不假器以齊之何以一民心定民志
而俾政令之行乎蓋八音以金爲宗衆樂以鐘
爲祖故其爲像穹窿混圓儀天之形虛中含洪
體道之盡惟大器有容故感之則通雖大音希
聲而扣之卽應惟其受氣之多故能發響于無
窮焉若夫運大化而張天聲法雷霆而震萬物
鏗鎗汪洋不疾不徐上可以通乎九天下可以
徹乎九地遠可以達乎四境宣鬱淫之氣災沴

以之而蕩散協神人之和邦域以之而清寧至
於激越於霜晨凌厲于月夕千門徹萬戶警莫
不悚然而驚惕然而寤收其放心啟其情志抱
關者臻巖夜行者知止君子思修身而日進乎
高明小人知畏法而致免於刑戮其于天道之
感召人事之修節豈曰小補之哉傳曰天地以
雷震萬物聖人以樂節八風佛氏以鐘驚大夢
此之謂也二公有見于此而汲汲命敬以成之
狄公拳拳請言記之者政所以彰茲樓之再遇
重諸公之用心也惟時季夏之吉厥功告成龔

簾將懸華鯨遄發不有斯文何以副當時而詔
來世哉乃爲之銘曰八音之宗厥美惟鐘大而
能受虛中有容肖形於天體道之盅旋蟲乃懸
樓閣凌空華鯨遄發大音鏗鏘遠聞四境高徹
九重攝調二氣節宣八風祛除災沴肸鬯登豐
政令齊一民用和同靈氣所在百神致恭於萬
斯年聖治日隆我作銘詩昭示無窮

明曾榮寓鐵塔寺謝王薛二太守二首因病辭
天仗行尋寶殿開六龍扶輦去五馬駕車來落
井皆因洒浴流欲渡盃承恩方療疾候吏莫相

催

寂歷孤城外高樓戍鼓鳴
葉聲霜後落僧影月中行
一榻禪房靜孤燈客思清
踈鐘一百八猶似上陽聲

唐宏法寺在城南三十五里橫坊村臨泗水今廢
金大定六年任城主簿閻時升所記重修戒牒碑

尚存

舊志

玉露禪林在東門外

董允璐大悲閣記畧濟之東關迤北一里許有
玉露禪林稽其始則爲息愚麗元二師所肇也

二師以濟上北通畿甸南接淮揚爲咽喉名郡而赤髭白足之徒著芒屨擔榔栗往來至斯者竟鮮托足之場於是約諸山普同人冒積年餘始置買張宜緝一則地五畝結茅數椽公延慰亭禪師監寺焚修其中名之曰玉露此康熙七年間事也某月澈也大和尚從金臺返適過其地本郡太守柴坡廖公同紳士袁公西湖孟公馭乾劉公五興等叩其宗旨知爲國師玉林老和尚高弟衣盃真傳道行傑出因懇留者再四遂卓錫焉澈公邂逅慰亭卽道同願合相與

奮志努力誓必剏一十方招提遴有德者居之
不作子孫計不許容納一不肖子孫在內以副
諸善信扳留之意未幾有都寺張君季起監寺
法徒甯千之及乃郎法震各蠲已資於本菴後
復買朱景元一則地七畝五分時有衲子數輩
甘同茹苦於是芟荆榛除瓦礫而護法諸君子
同副寺李整廷等又欣然樂助之不數年成大
殿三楹嗣是而兩廡方丈禪堂節次落成戊辰
夏余抵武昌訪故人適澈公先一日至余問其
故從浙掃大覺老人塔回願建大悲閣五間以

濟上不產木植托鉢於斯余自念成童時輒持
大悲神咒迄今年逾知非日誦不輟公之願猶
吾之願也思欲贊成其舉而風鶴忽驚萑苻震
動所訪故人俱爲掠去余與澈公方寄跡一小
菴主僧逐客亟甚於是衝濤冒險從賊壘中買
舟過彭蠡湖投南陽太守張公始脫其難張公
諱士佺字瀛公三韓人也素與余厚及見澈公
願留佩帶卽以次嗣爲澈公弟子仍捐金勸助
甫三月得巨木數百株令便艘附至濟濱迨庚
午端陽前一日忽罹回祿菴中僧舍五十餘間

片時立燼僅存大殿及方丈時殘燼未滅而鐘板按時自鳴者匝月有奇聞者無不稱異至九月朔大悲閣工興是夜菩薩顯靈感化白公子美同內君願造檀香聖像隨有閭君舅弟集公調公捐五百金以成父志閱朞年而閣成而像亦巋然東魯一大觀也白公向多病嗣是而轉強旺神氣倍昔今現爲館陶大令豈非菩薩報施靈爽捷如響應者乎雖徹公因緣所致然要非張公首倡不至此澈公付法弟子庚水西樹德宗者徵余紀其事以礪豐碑余於是而知徹

公之於法門其心真懃且懇也今世之稱善知識者豈不欲臆邊一掌肋下三拳震旃林之鐘鼓然而不可概見矣或以文墨逞雄或以辯喋壓衆登堂說法非不聳動一時然於法門功德無尺寸補安得如徹公之念念法門頭頭是道不以文墨逞雄而下筆無非真旨不以辯喋壓衆而吐舌適成廣長且從未嘗以善知識自矜而塵盃相承凡於力所當行身應擔荷者則又無事不先任其勞故能於荒烟茂草中竟成十方名勝而徹公之志猶未已也今春正月復朔

沙門王景州云 卷一四
前殿以奉藥師時總河大司馬董公憲節親臨
見其德高道古足振禪林卽捐俸金及各當事
相助成之是澈公之護國保民疾痛相關之念
當亦臨民君子之同志而非獨釋氏之所推許
者現今所行語錄蒙

勅頒入藏以繼傳燈斯見善知識之自有其真彼夫聳動
一時而無補尺寸者其相去爲何如耶異日者
土木工成吾知澈公之婆心尙欲禮大悲寶懺
然後閉關閱藏一舉一動莫非以接引爲心普
渡迷津而廣超苦海所謂虛空有盡我願無窮

者此正澈翁老和尚之本願也豈僅有功于法門已哉是爲記

按乾隆四十年知州藍應桂有永免差役文住持貫默勒石

吳檀贈玉露菴方丈徹也上人詩滇南一老把
漁竿垂釣悠悠濟水寒鉢底毒龍常戲狎座中
猛虎共盤桓香林合沓生幽意佛閣嵯峨足壯
觀萬里勝因非偶爾此身滿願奉金襴

其一

誅茅伐莽闢茲山大闡宗風齊魯閭胥次本來
無一物眼前妙用有千般黃花匝地關心邸翠

竹當軒破祖關飛錫浮杯俱是幻曲欄長凭笑

閒閒

其二

當機豎拂或擎拳顯示西來意現前東郭曙光
開佛唱泗濱晴靄接爐烟雞冠花放新鮮句雀
舌茶叅冷淡禪五百一期雲侶滿不知將法與

誰傳

其三

業識銷磨下劣根承師密印感慈恩未妨遊戲
同流俗自有操持護本原一息不循生滅路萬
緣全泯聖凡門古今物我皆如是何處相容稱

獨尊

其四

按吳公與徹也詩稱本師大和尚自稱法弟子超茂相傳云吳公因喪子至菴禮懺意甚悲徹也曰此本非公子明年某月日生者頂公子也至期果然公遂皈依佛法

釋迦禪寺在州治東元末燬

兗州府舊志

李佩斗釋迦寺湛公房詩堦下花棚密禪龕畫自陰新涼殘暑破薄照入秋深欸欸同叅契悠悠不住心振衣辭淨侶宿鳥度高林

願真寺在州治南元延祐七年建

兗州府舊志

按願真寺當卽願真宮在三省書院後後改

運河同知公署

大悲菴在西門外河北岸舊爲關帝廟極卑隘僧
海筏募修規模宏敞後闢地數畝藝花竹植荷柳
竹窓松棚茶鐺茗碗頗有方外雲水之適檣棹往
來多憩於此元宣尉副使韓惟良有記

舊志

神霄萬壽菴在州治南明永樂七年建

寬州府志

臥佛禪寺在河東大南關曹家街迤東萬歷二十

五年建郡人楊洵于若瀛碑記

舊志

慶雲寺在城西三十里縉雲山

全志

按省志府志作慈雲寺

觀音菴在鳳凰臺明萬歷中總河劉東星建

陳辰銘集

華嚴菴在東門外舊爲茶菴總河劉公東星易今

名宋國士建僧如慧重修

舊志下同

法華菴在北關外舊爲茶菴久圯僧成一苦行募建殿前藤花一株大可蔽畝菴西爲入都孔道施茶湯歲以爲常

普濟菴在東關楊家垵僧法光募建爲南北接衆

叢林

今廢

瓶月菴一名地藏菴在城內東南隅三面環水高柳參天雉堞當門宛然繡屏相映僧寬秀重修內

有水陸神像名手所繪

按像今移東門內火神廟

白衣觀音菴在城西南隅郡人于若瀛有記

石佛寺在石佛牕河東內有玉皇閣

以上舊志

按寺內有溧陽馬孟河一龍草書石刻人稱

馬狀元書非也詳碑考

明靳學顏重修石佛閣記畧濟寧石佛閣瀕河

觀曰元帝廟不詳肇自何年至正二年曾一修

之迨我敬皇帝之十三年遣監臣齋金增建玉

皇閣其後歲久剝圯道士吳存禮募工復修傑

然表鉅觀焉

兩城集

明戴流夜泊石佛寺詩漁唱斜陽晚河干佳氣
惹人眠沙磧浦船畏石尤風白月涼輕袂紺雲
挂遠蓬閣鈴聲夜渡東岸有琳宮

盛楓石佛寺玉皇閣詩金碧礙諸天憑虛意豁
然羣峯朝靄散幾樹午陰圓高下林間屋南東
郭外田麥秋方此日槐下正如年穠稔猶栖畝
樵蘇不滿船蒲葵連舍北櫟柳夾門前汲井清
泉冷捫碑綠字鮮遶簷鴉不噪傍砌鶴初眠落
蕊驚田叟生香試渚蓮羈孤愁浪迹客與羨安
禪不少青雲客何如玉局仙繙經慚脉望我欲

事丹鉛

鞠業集

元會菴在州治東北明宣德三年建

元州府舊志

古準提菴在浣筆泉之東陳思殿創修陳聖主有

記

舊志

準提菴在城東北隅邵家街卽蕪園故址尼僧德

明勗建德明本節婦也

衛園集

劉淇準提菴勗建記濟寧東北隅準提菴者比

邱尼德明之所勗建其先明保定總督鶴洲徐

公標之別業也屬明季九鼎崩淪毒螫羣飛豺

虎搆難公仗鉞畿輔屹然金城而螫賊內訌贊

其凶焰遂使元老輿尸義血膏刃裹革之願斯
展養素之懷弗伸花林藥嶼●然綠春閑館曲
池鬱其朱夏雖非逍遙之園賣供官稅詎異平
泉之石半屬監軍會德明在險抗節歸誠苦空
公夫人張氏檀那願宏奉爲梵住曰司馬徇國
德明抱貞大小同揆道俗推敬明之息心於斯
也庶雲壑松桂不蒙愧譏菩薩諸天并大歡喜
耳德明者寧陽王氏女夫曰周君晉文保姓維
舊受廩於膠一尊一章皤鬢在室明仰則奉槃
耦則舉案烏哺之孝益隆雞鳴之好彌篤宗姻

式其柔嘉鄉里稱其淑慎無何百六丁運戈鋌
照野龔邱萬姓化爲沙蟲先城未墮晉文捍陴
夜歸謂明旦夕乖絕子奄被疾或有脫理故來
一訣累子二親死則已矣生圖相見旣而晉文
就俘君舅喪殞明竄身奔命事存送亡婦職不
隳惟禮所在已而呱呱遺腹載育旋殤明仰天
呼曰天忍奪吾子乎棲之梁間十旬不敗觀者
驚此以爲罕稀然而族豪婪婪產利是睨輶張
憑陵殆無虛晷矣容輝夢想非無秦掾之詩書
札浮沉屢入殷侯之手白狼河遠浮雲黯西北

之樓青鳥音乖孔雀矯東南之翼姑旣云亡明
乃捨俗自龔來濟蔭附於斯夫人者五年而後
徐夫人施茲祇洹焉明鍵樞繩坐屏棄塵緣清
唄流霜法鼓警夜雖烟爨屢闕而勤誠弗衰他
如俗尼捉鉢淫妲蘊香紛如駟僧之行恬于孤
鳥之俎承其面者或悔厥心通項皆殷若撻諸
市于是善信皈依人天持護範堂規殿非由覲
覲傾廩輸裝迴無執惜鸞音龍步歛爾光明寶
蓋金花焚其瑩麗信此州之福地女釋之名德
也自謀始以至斷手於今二十餘年矣孝廉潘

君恬菴念茲菴之根起悼司馬之節慨而又重
以德明之請曰八十老優婆塞無所顧念唯是
區區之義耿耿弗忘苟求能文章者爲我一二
其詳則幻化之軀如棄涕唾余維苾芻之徒視
諸熱緣渴愛卽苦海昏衢不異縱復截耳盟心
務面旌信三空之旨何有何無故欲列之婦行
則名不副于真如但叙禪修則事復嫌其漏畧
爰記茲菴變剏所由而以明之欲傳永永者叅
錯詞表俾其弟子知颺流有自亦將興感于斯

文焉

衛園集

放生菴在東門外迤北

舊志下全

永勝菴在草橋西運河南里人鄭與僑有記

大生菴一在東門外一在稅課街南

興福寺在城北二十里唐時建

顯福寺在城北三十里耿村

南照寺在城北二十五里王府集

阮家寺在城西新挑河

邵莊寺在城南潭口集

邢莊寺在城東荆塚集

峨眉菴在皇經閣前里人江中漢等建楊通睿碑

記以上舊志

廣德禪林俗呼赤脚和尚廟在城西里許採訪

沙洲寺在魯橋汶泗交會處三面環水複閣重樓

林木陰翳東有仲氏讀書堂上全

王爾鑑宿魯橋寺詩魯橋靜夜絕塵氛無限幽
情迴出羣古木風煙籠古寺清齋花草散清芬
門環泗水潌潌月檻繞鳬山片片雲懊惱浮名
移我志三更鐘磬幾曾聞

文昌閣在城東南巽方堪輿家言地宜建閣里人

創建郡人李以易有記舊志

葛仙翁祠在城隍廟東全上

東嶽廟在城隍廟迤東正殿祀天齊後殿祀聖母
東北碧霞宮西北三皇殿左廣生右癩疹儀門內
左森羅右日月本州知州萬民命郡人王道明有

記

舊志

子孫娘娘廟在天齊廟東明嘉靖時建採訪

張仙祠在東嶽廟東舊志

蜀神仙張四郎修道於邛州白鶴山常挾彈視
人家有災疾者輒以鐵丸擊散之蜀人畫像以
祀見放翁老學菴記以爲孟昶者非也或云神

名遠霄五代時人

盛百二袖
堂續筆談

江東廟在城隍廟東

全上

明陳宸誦重修宣封護國江東嘉濟崇惠顯慶
昭烈忠祐王廟碑記畧忠祐王廟傳聞建于崇
聖館卽西南隅運河廳署也昔有客在都中乞
卜如響負聖像至濟祠之後建河廳有善士蓋
君隨移于此碑記不存考搜神記忠祐王姓石
諱固秦時贛州人生而英烈歿爲神祠在贛每
陰雨晦冥星月空濛之中往往見騶從如達官
長者蓋受職于東嶽而綜理人之生死禍福云

又考之東嶽寶誥贊云本來閩地立業南方學
道問道援親傳於五祖求仙得仙使草人于三
耕護聖駕于揚子江心顯神通于明君船上威
名昭著聖德難量大悲大願大忠大慈江東忠
祐崇惠之神稽之二典可以得大端矣立廟既
久不無風雨之患善士蒯君與壻孝廉王君起
而修之計募于辛未訖于壬申功稱完矣卽住
持道士徐大興亦與有力焉崇正十年十一月
某日立

按蘇州府志神秦人漢高祖六年灌嬰畧定

江南至贛城神見于某山告以克捷之期士卒駭異凱旋牲酒欸謁立廟贛江之東至孫吳時遷神于吳頗著靈異蓋江東者贛江東也

都土地廟在城隍廟東北角

萬歷志

公輸班祠在城隍廟西康熙九年重修郡人袁州

佐記

採訪

二郎廟在西門甕城內又一在城東泗沆合流北

一里餘

舊志

二郎神卽嘉州守趙昱斬蛟者也不知何代封

爲清源妙道真君

查慎行
人海記

按宋知和州周虎作神祐王廟碑記云開禧
二年寇勢孔熾和州幾陷虎夢見一人冠三
山冠衣白袍謂虎曰吾隋人趙昱知子忠義
故至此助子明日寇合戰鼓譟入城風霧四
塞咫尺弗克辨未幾像有光燭寨前奄見一
人躍馬持杖一如所夢凡三十三戰敵氣阻
折大創而去上聞封爲聖烈昭惠靈顯神祐
王又云王始從李瑋隱青城山自負奇節隋
煬帝起爲嘉州牧州有犍龍爲害王出奇策

除之隋亂王隱去不知所終後江水泛溢蜀人見王于青霧中乘白馬超波而過水患遂平民爲建廟灌口唐太宗不豫禱于王疾旋瘳詔封神勇大將軍明皇入蜀護蹕有靈加封赤城王

青城一名赤城

真宗時命張乖崖平蜀賴

神相告戒言于朝改封清源妙道真君又皇甫訪長洲志云神灌州人六月二十四日爲神生辰傾城男女奔赴以祈靈貺而杭州志則云姓鄧名遐字應遠陳州人爲桓溫叅軍歷冠軍將軍數郡太守襄陽城北水中有蛟

爲害神入水斬之鄉人德之爲立廟以嘗爲
二郎將故尊爲二郎神又或相傳爲秦蜀守
李冰之子三說未和孰是

皇經閣卽三元宮在南關西偏里人江中漢等捐
金倡募閣三層東爲關帝閣西爲文昌閣郡人陳
益修王道新創建王道新鄭興僑黃敬璣有記

舊志

下全

呂祖堂在皇經閣左里人李材建傍有隙地其孫
李辰璣佩斗佩璣結茅爲室植花竹疊山鑿池位
置極稱

按堂內有知州史錦木主

壽星閣在呂祖堂後

來鶴觀在城南中有八卦亭

青華洞在浣筆泉東里人胡若琦築爲堂祀純陽真人喬木森鬱亭臺池館位置得宜其後纍土輦石爲洞崦岬幽邃入其中者無異穿巖谷傍建義

學

以上舊志

按青華洞本王孝廉敦臨舊圖見亭館

文昌樓在龍神廟內西偏乾隆三十二年今河督仁和姚公爲運河道時建前有惜字爐每朔望時

會首同住持僧焚化

採訪

按文昌閣恐卽河神總祠故址見壇廟

許真君廟在河東七里鋪江西運丁公建總漕楊

錫綬又擴充之建行館爲駐節之所

運河備覽

泰山行宮在稅課街西郡人魏人望有記一在濟

安橋月河口一在河東郡人郭汝有記

舊志下同

玉皇廟在南小門迤南郡人仙源吉重修有記

三義廟在小東關

元武廟在城西二十里耐牢坡徐標有記

小築通言

真武廟在北關郡人劉概有記一在運河驛北一

在城東南隅僧祖文重修環抱皆水一天門五龍橋蜿蜒數百武隄柳參天與雉堞相掩映郡人楊

鳳翥有記

舊志下全

真武閣在棗店街北通孔道歲久頽圯里人胡若琦捐金僧智照募化重修郡人楊賢徐州牧新安方瑜俱有記

三官廟一在東嶽廟前郡人陳伯友記一在運河北岸一在東岸俱郡人靳學顏記一在北關

玉皇閣舊爲平江伯陳瑄祠後人建閣下祀平江伯上奉玉皇府尹程嗣功有記

按玉皇閣在三官廟內詳碑考

三官閣在南關南小門卽舊城南門也上建傑閣
周廻繞以垣墻配殿鐘鼓樓前列綽楔郡人于若
癰有記

王母閣在南關外周圍皆水一阜屹然中立里人
鑄金建閣其上取西望瑤池降王母之意遂以名
閣綠柳參天朱薨映日有蓬島方壺葯房貝闕之
目

崔府君廟在運河西岸

元好問崔府君廟記畧唐崔子玉府君祠所在

有之或謂之亞嶽或謂之顯應王者皆莫知所
從來府君定平人太宗時爲長子令有惠愛之
風本道採訪使與長子尉劉內行弗備且有贓
賂之鄙時縣有虎害府君謂二人者宜當之已
而果然及一孝子爲所食乃以牒攝虎至使服
罪一縣以爲神而廟事之

蘇天爵
元文類

按杭州府志府君祁州鼓城人父禳禱于北
嶽夢帝賜美玉二枚吞之因名珏字子玉又
名亞嶽唐太宗感夢封護國公宋真宗加王
號高宗南渡宿府君廟有神扶其首則追兵

至矣忽見白馬乘之宵行七百里至禦兒鄉
其馬忽不行視之則泥也帝至杭州爲立祠
賜額顯衛

天仙閣在北關東北爲謁岱通衢持辦香頂禮者
歲無虛日郡人鄭文炳記

百子堂在稅課街南

以上舊志

常清觀在北門外里許

採訪

按觀前爲三元宮明季兵科李用質建康熙
十七年城守營守備李時泰吳凌霄等修康
熙己卯建玉皇閣西爲鍾呂二仙祠乾隆壬

戊又建雷祖三清二殿

○補遺

神霄萬壽宮

按兗州府舊志云濟寧有神霄萬壽菴永樂七年建今得劉中菴記則其建乃在元大德時非明永樂也菴蓋宮之訛耳豈永樂時爲釋氏所據改爲菴歟今兩存之

元劉敏中神霄萬壽宮記濟之任城神霄萬壽宮女師所居也舊爲神霄觀歲己未師妙清始以州將蕭君請葺而居之妙清傳之守淨守淨沒傳之慧秀蓋能謹師承嚴戒律作於衆先苦

於自修行高而人益信凡觀宇之內敝者以更
闕者以營歲未幾何而殿廡一新儀象交輝道
宏而徒益衆於是用長教元逸真人命易觀以
宮而加其名焉且假慧秀以提點之號使振其
宮事至元庚寅歲也慧秀謂其徒其爲我謀上
有以侈先師之報下有以付後人之託者遂以
其事走京師因翰林應奉馬君子敬修撰羅君
叔達請記於余余惟道家者流學爲老氏者也
老氏之言曰大丈夫處其厚不處其薄居其實
不居其華大要以禮制爲薄而以智謀爲華也

故黜聰明絕巧利寡欲少私抱一守朴其究歸
於無爲而止耳而後之學者遂乃去有生之樂
割天倫之愛遺形以求其道竭力以張其門甚
者乃崑棲野處衣草食木與麋鹿虎豹爲朋儔
百困而不反吁尤難能矣若是者豈其與向之
所謂丈夫者又加愈乎雖然旣曰丈夫矣能之
可也孰謂女子而亦復能之乎易稱坤至柔而
剛至靜而方語女道也夫苟能充其剛方之實
則丈夫之所能者或亦可以至矣嗚呼凡女子
之學爲老氏者其皆剛方者乎慧秀之爲也果

能出於此乎其若是則二君之請與予之從其請者將無不可矣乃爲之書慧秀姓劉氏任城

人大德壬寅夏五月記

中菴集

極真萬壽宮在城西南隅本名極真觀女道士妙靖真人所居元仁宗賜名萬壽宮

按運河廳署本是頤真宮廖志於寺觀失載

見於兗州府舊志訛爲寺

或始爲寺繼爲宮亦未可知云

延祐七年建在州治南而極真萬壽宮之賜號正延祐時在任城西南與府志在州治南之說亦合則頤真宮卽極真宮無疑

元張養浩極真萬壽宮記極真萬壽宮者髮冠
仙姑封悟元叅化妙靖真人寓跡之所也然真
人之跡所寓不一始焉寓肥城夫家旣棄家寓
東張邨澗槐上未幾寓西郊叢祠中又未幾寓
東原民孫韞家竈前又未幾寓滕之嶧山積功
滿千遂寓於此焉以卒蓋真人本濟寧路肥城
農家女俗姓田歸同邨孫氏自合卺其家數有
妖弗寧以新婦爲不利逐之無所於適距邨十
數里有槐幄如橫生澗脅澗深叵測真人泰然
處其上者數月風雨皆不及虎狼蝮蛇望而不

敢偪其寓於古祠也年少見而媒之俄而媒者
若空懸去地尺呻吟如被楚檣其竈隱於民家
也始終凡八年其家禮之甚至真人有辟穀術
日惟啖棗數顆不言不笑或代汲或泝澣或代
執爨自歸道二十餘年首未嘗櫛沐髮皆上生
叢合高尺餘其端旋結如雲鄉里異之目爲髮
冠仙師云至元己巳世祖皇帝召至京師一日
見便殿上問而師爲誰而有何術而髮因何上
指真人曰我乃農家婦由不獲已出家如上所
問皆不知其所以上誠其言厚賜遣之厥後爲

人言休咎若出無心往往奇中江浙省平章徹
里素崇飲因朝會請見師曰物莫毒酒弗戒將
及後竟坐飲不年監察御史鄭某病羸久未服
藥真人食以所食棗遂差乃執弟子禮終身彭
城展某田某俱休官師事真人惟謹其他公卿
大夫過而候謁自遠餽贈走下風而願聆警欬
接武於門甚至圖其象歸而祀之維揚富民劉
伯淵闔家敬信尤篤施財爲築室任城西南名
曰極真觀走往年使江左過之師年已七十餘
形癯而顏色黃明脉絡皆見顱骨若嬰兒柔且

陷雅不火食寢所時有光怪出沒祁寒則盆冰
水而浴日以爲常其高弟陳志海亦女冠也爲
余言師之得道蓋由神授始爲婦時夢游大川
值縞衣女仙乘舟招曰若能我從乎師欣然諾
之女仙卽抽簪畫水倏化爲梁師同登舟舟移
而寤遂與親故相絕問之則曰我寶花城主人
也或訪以養生則曰寡食訪修身則曰謙退素
不知書一旦提筆書曰縛住心猿消甚言說功
滿崑崙才顯孤月爲歌詩類此者不一志海嘗
與女徒數輩游嶧山牛口嶺一人偶失帽物色

之無所獲旣師笑而出諸懷中里人御史中丞
冀德方有遠行來別師以所服半臂贈之冀固
辭師曰第持去一日必用此後宿古驛中甫暝
若有童男女服五色衣羣行而前驚不能寢如
是者連夕冀因取師所贈枕之而卧衆皆相拽
悞遁去且曰師在斯師在斯冀平昔頗不相信
至是始神之暮年恒閉閣匡坐或卧游物外浹
一晝夜乃起自號洞春有司上其道行朝廷爲
易其觀曰極真萬壽宮封悟元叅化妙靖真人
命下而師厭世享年八十有五是延祐年月日

也後七年當致和改元秋其徒宋志誠掌德元持翰林侍講學士曹元用所述事狀且致新州尹李綱書求記其所謂萬壽宮者余曰疇昔所居甚隘其侈而改建者起於何時何人志誠曰以師之心豈欲爲此嘗曰心誠事神一茅茨足矣何必殿爲師旣沒僕二人倡同門道衆贊金築之三清殿凡三楹神門居前左右齋廡庖庫畢具公所過者今殺爲方丈矣余因嘆人之所以動盪一世者必有其實如師刻苦精練數十年一旦超詣仙域宜與道合莫之爲而人從無

所陳而人信所謂不逸寡不雄成不暮士尸居
龍見淵默雷聲者非耶嗚呼使爲吾道者亦如
是尙奚儒風不振之患哉乃爲銘貽之以見師
所以化服其徒徒之所以報德其師者彼此胥
無所負云辭曰維至人兮澹無爲合鴻濛兮混
希夷以宇宙兮爲閭奧雲若月兮爲籓籬霞珮
兮風衣龍馭兮驂螭翠旂兮掩靄珪珥兮陸離
命麻姑以前道使雙成兮後隨約飛瓊兮珠庭
會金母兮瑤池排虛兮乾開扶陰兮坤移頰萬
山兮累塊閱千古兮曾不異夫晷時揚揚兮有

得納納兮無涯陋土木兮擬居鄙錦繡兮爲儀
繄仙師之此心彼濁世兮焉知奈其徒之失相
中侘傺兮曷依爰周謁以贅泉舉樂助兮訢施
遂積微以成鉅詔靈氛而占之與謀兮允叶羣
力兮是基棟宇兮鑿鑿丹碧兮差差如矢兮斯
棘如翰兮斯飛琦瑋兮備侂輪奐兮歲鬼詎一
州兮香火乃九域兮蒼龜匪伊人兮降康實爲
國兮祝釐雖其師未及乎目擊必天游兮過斯
領羣仙兮弭節亦戀嫪兮棲遲憶形神兮渺不
知其所蹠第蕭蕭兮風悲將上下兮求索又不

示余以所貽北指兮沍寒西阻兮崦嵫如東兮
洪濤南徂兮炎曦志緯繡而莫達羗儻徊兮邈
而倚閭闔兮延竚企閭風以齊咨蕙肴兮執烝
桂醕兮執醺遼絕兮鈞天芳歇兮瓊枝江永兮
愁懷不可兮方思竭耳兮旣寂滅以絕聽窮目
兮又沕穆惘恍而叵窺心純龐兮蹇無階以攀
附慙遲此兮或彷彿其一來誠閔余昏墊以援
手其眎賈尤媒禍軒冕兮又奚翅土苴之棄而
與夫瓦礫之遺也

張文忠集

按或疑此妙靖卽妙清非也一在憲宗己未

二在延祐時玩記自明

金鄉縣

光善寺在縣治東有塔九級明嘉靖四十年重修

兗州府志

萬春宮在縣西南三十里東大村金大定元年建
神遊觀在縣南門之西元至治二年建

白鶴觀在縣治東唐高宗東封有白鶴下焉詔郡
縣爲觀以白鶴名有唐先天金大定碑記

玉霄觀元至治中建

秀峯寺在縣西二十五里

元天宮在縣治北洪武七年建

壽聖寺縣西北二十五里

乾明寺縣西二十里

皇東寺縣東二十里

龍泉寺縣北三十里

興龍寺縣南三十五里

鴻福寺縣南二十里

重福寺縣西南三十五里

廣濟寺縣東南十五里

東嶽廟北門內元至元時建

真武廟一在北關外至元時建一在五里墩明崇

正時建

藥王廟舊在南關外明知縣李國泰建廢

國朝康熙年知縣傅廷俊重建於東關外

○嘉祥縣

大雲禪院在縣東城外橫山前金大定三年賜額

大護國報恩寺在縣南三十里蜀山東唐貞元十

七年剏建上有石羅漢數百尊元至大元年僧吳

智通重修

兗州府志

大覺禪院在縣南三十里大鼎山陽舊號長壽院

有明覺禪師卓錫於此金大定初勅賜金額

壽聖寺在縣南四十八里七日山山腰有巖巖中有石佛七日而成宋熙寧三年賜額明正統十一年僧性中重建殿宇遂成叢林

隆興寺在縣南十里呂村之南後唐長興四年建宋元豐八年重修明成化初復建

福聖院在縣南五里嘉祥村宋元祐四年僧崇殊建明成化十年重修

洪福寺在縣南二十里范山前昔爲三教殿元泰和二年改今名

昭慶院在縣南三十里紫雲山南金貞祐元年創

建元大元間重修

清涼寺在縣西南三十里佛耳山西自宋元以來相沿不廢明成化六年重修

法雲禪院在縣西南二十里青山一崦之中東西如兩屏古木修篁泉石交映一勝地也金大定年修

普興禪院在縣西南十八里青山有崦巖巘清幽林麓森然山腰有泉一脉瀉下汨汨有聲冬夏不竭元至元二十五年僧普明禪師創建

圓明禪院在縣南四十里崩山東南崦中金承安

三年勅賜金額

臥佛寺在縣西七里鳳凰山坳山頂有塔石臥佛在焉今塔已毀移佛於山坳創寺翠環碧滃儼若洞天

清涼院在縣治西元中統間建

聖井庵在縣南二十里挾山絕頂元至順時土人禱雨有應故名

紫虛觀在縣西八里小青山之東元至大間女冠李至重建

通仙觀在縣西南二十里馬氏村中元初道人杜

道慶建今毀

神霄觀在縣南五十里蕭氏山前元中統四年道士孫志安創今毀

清神觀在縣南崩山東麓元中統五年洞虛普慧真人建

青龍觀在縣東南十五里花林山陽元至正間建明景泰間改爲寺

○魚臺縣

興國寺在舊城西眉邱屯明嘉靖元年建

兗州府志

大慈寺在沙河鎮元天歷間建

明覺寺在舊城東南明洪武間僧會善重修

觀音寺在穀亭鎮宋熙寧三年建

后土寺在舊城北武臺屯高阜之陽建置無考遇

旱禱輒應

崇明寺在舊城西二十五里元至正元年建

長壽寺在舊城東五十里元皇慶二年建

壽聖寺在舊城北二十五里宋政和六年修

西龍泉寺在舊城西北石竇村元至正間建明宏

治九年重修

福興寺在舊城東二十里金貞祐元年建

洪福寺在舊城南十二里金大定三年建

大聖寺在舊城西二十里唐貞觀三年建

青龍寺在舊城東北二十五里元至正三年初建

聖佛寺在舊城西二十五里宋祥符三年初建

共衣寺在舊城東白沙社唐開元間建

超化寺在舊城東北三十里唐咸通中建明正統

十一年重修

正覺寺在舊城東北南陽牖明天順七年重修

三清觀在穀亭鎮北

寧正縣志

卷一

四

濟寧直隸州志卷十五

古蹟五

陵墓

古人之陵墓往往有數處各見者如濟之女媧
陵是也見於元和志及寰宇記而趙州陝州亦
皆有之據唐書五行志則陵宜以在魏州者爲
信乃仍而不去者有其舉之莫敢廢之意乎至
晁氏楊氏諸墓皆在任城之呂原鄉及千秋里
考其地則呂原土斷入於嘉祥而千秋里不知
所在今嘉祥釣魚山下有翁仲羊虎蓋宋時晁

氏之墓人誤以爲晁錯兗州府新志有晁補之墓不知不僅補之也今據雞肋集及山谷集詳列之使後有所考云

女媧陵

任城縣有女媧陵在縣東南三十九里

太平寰宇記

太行一名皇母山濟源陵山峨眉女媧洞闔鄉

風陵堆唐祭女媧陵於陝州宋祭女媧陵於趙

州故華州趙州任城皆有遺蹟

舊志

天寶十一載六月虢州闔鄉黃河中女媧墓因

大雨冥失其所在至乾元二年六月乙未夜瀕

河人聞有風雷雨聲曉見其墓湧出下有巨石

上有雙柳各長丈餘時號風陵堆

新唐書五行志

孟獻子墓在州北二十里有古墓大二畝地名孟

獻坡俗云孟獻子墓

舊志

樊父塚在州西北二十里先賢樊子之父俗呼樊

家垆堆

兗州府舊志

荆塚在耕種里俗云荆軻墓

採訪○按流寓有荆先生或是其墓

灌嬰塚明初李副使睿爲封其墓立享堂

據碑

塚記云漢灌嬰墓在州東三十里

見天下名勝志

漢潁陰侯丞相灌公墓志有頌歷代君臣陵墓

遍諸九域而於史傳考無詳載蓋因而因之也
或專乎山川之美或殉乎缺輿之葬或襲乎封
爵之邑因之者然也世變時遷巨陵高塚存乎
地上者可數若丞相墓畧無所據恒聞故老有
言陽春發輝風日條達時有烟氣覆於塚上世
傳灌塚晴烟祇今爲郡城之景詠爲鄉曲之地
名古稱灌塚村亦因而因之也屬濟寧城東去
舍許山川邈遠土壤沃饒有墓在焉予按文考
公廼古諸侯斟灌氏裔因國得姓疑昔者受封
之地耶公諱嬰號昌文君從漢高帝滅項羽功

封潁陰侯官至太尉

缺

兵誅諸呂氏有功文皇

帝卽位甲子三年冬十一月拜丞相甲子四年

冬十二月卒丞相歿後去今千有餘年矣其窆

石封樹零落殆盡居民私其地耕種於上牛眠

兔走牧唱樵歌踐踏幾平草烟禾露晝暝夕曛

蒼莽荒虛至於如此且丞相據大節恢大志臨

大政爲一代之名臣得無以爲忠孝勸凡今之

缺未嘗加以少昧正統六年春鄉彥李睿者爲

貴藩右叅議父壽祿翁卒於嶺南昇棺歸葬故

土而與丞相墓阡陌相連叅議感悼不已歘然

泣下顧謂左右曰五百年後吾其誰歟遂完祖塋然後纍丞相墓增土一丈九尺廣其地百四十步種樹築垣邇顯是績時郡太守金華陳公友直同知州事江夏王公彥成判州事會稽任公澤蘭常熟金公鶴聞之復相語曰舉廢務興故事乃士君子之當然況我輩職於斯郡盍爲之復增享堂十二楹石鼎一石几一使居民以時祀之庶無殄于厥後方將鑱石征南大司馬兵部尙書王公奏撫鎮蠻夷保守地方貴藩乏員部台重臣推叅議公有守有爲陞貴藩憲副

朝廷遣官至膺命遂行寔正統六年秋七月十
二日也故立石以誌之頌曰

鹿走中原逐其踪我公拔劍來相從六年五載
奏成功匡扶天子騎黃龍君臣會際將攸同江
山鞏固梯航通誰其之子騁豪雄無良諸呂專
王封出師左次勒兵鋒妖氛厲瘴遂滅空文皇
嗣位官優崇黼黻朝端殫厥衷吁嗟元命鞠罹
凶猛氣消沉落長虹蒼天浩浩曷穹窿白楊慘
慘缺霜風雕弓漆盾埋蒿蓬墨陽銅匱潛幽宮
洸江西畔波冲融嶧山東距石籠嵒豐碑峩峩

夕陽中長留天地垂無窮前承事郎知紹興府
山陰縣事單父王舜耕名畎撰文中順大夫江西
建昌府知府任城楊誼篆額奉議大夫浙江湖
州府同知府事濟寧劉貞書丹

王清過灌塚詩陪項興劉莫大功當時誰不讓
英雄西風荒塚麒麟老禾黍離離落照中

鄭君墓在州北十里

舊志

謁者景君墓

碑目

鄉令景君墓

北海相景君墓

武班墓

武氏石闕

武開明墓

武梁墓

王政墓

鄭固墓

武榮墓

鄭季宣墓

董恢墓

少傅何君墓

以上並詳
碑目考

何休墓在濟寧州北二十里

陸通志

按休以光和二年卒天下名勝志引塚記作

晉何休誤

王粲墓任城縣魏王粲墓在縣南五十二里

太平寰宇

記

塚記云王粲墓在州南五十三里近亢父城

見天

下名勝志

李道宗墓

塚記云唐任城王李道宗墓在州南二十里

見天

下名勝志

按城南石虎坡有雙石虎與墓近或云卽墓前物也

東平郡太守墓在耿務村

據碑

詳碑刻考

楊緯墓

楊節之墓並在任城千秋鄉千秋里

晁補之雞肋集

都魁墓在運河岸舊分司署前

泉河史

□□□記畧濟水東會於汶元築堽城塙引入

天井而洸沂泗與濟會今其名尙著舊未有橋司空郎畢公瑜創爲之監之棹楔書曰濟川落

成之日冢嗣適生卽以名之後登第官翰林時
河流汎溢運道爲梗公日敝敝畚鍤間一夕有
緋衣絳幘者稱宋都魁某見夢曰河隄太逼吾
宮區區祠園將爲行路奈何公寤亟索隄旁志
石丹書炳然乃築堤而封其故墓爲文以祭匝
歲前緋衣絳幘者復見夢曰願爲公後以報詰
朝而仲子生是爲濟時已復登第繼公爲河臣
是時距宋幾百餘年而相感應如一日何奇也
成化以來濟之俎豆公父子者不輟歲萬歷丙
戌棹楔葺於邵公伯悌而規制湫隘弗稱公耳

孫侍御公以督鹺至慨然興嘆出贖鍰飭材庀
工增高而拓其未備煥然一新乃率文武官屬
若士民落之而屬予爲記司空名瑜成化丙戌
進士翰林吉士歷官提學僉事濟川宏治壬戌
進士翰林編修濟時正德辛未進士工部都水
司郎中侍御名三才嘉靖己丑進士湖廣道御
史撮其年月世次爲文以記之者侍御同籍瑯

琊焦某也

泉河
史

按畢公字廷珍江西貴溪人成化四年爲濟

寧分司

李氏塋在小郝村

金石碑目

李演墓在州西二里有碑

陸通志

知州內鄉黃堂金狀元墓詩百戰風雲一曉空

獨遭顛沛見從容策名喪亂雖云口効死封疆

總是忠聲鼓無聲奔萬馬劍花有恨泣雙龍泉

臺若遇陳和尚談笑應誇節義同

嘉靖壬子冬十月

賈敬墓在州東南三十里泗水上橫坊村敬金季

人官教授元汴梁路教授楊演撰墓碑文

舊志

張氏墓在真武廟南墓碑高二尺許可識者惟

秋鄉社至元張氏八字

據碑

札忽兒斛墓在城西三里潘士良墓北

據碑

元封中奉大夫河南江北等處行中書省叅知政事護軍任城郡公札忽兒斛之墓其左云中書平章事翰林學士承旨知制誥兼修國史奎章閣大學士銀青榮祿大夫涼國公趙世延書右云至元三年歲在丁丑三月吉日中奉大夫荆湖道□□使男怯朝立石

石府君墓在西門外

採訪

元武畧將軍蔡州知州石府君墓奉議大夫均州知州兼管本州諸軍奧魯勸農事趙璧書皇

慶元年四月□□鄴路廣靈縣主簿男元容立

石墓

石君墓在西門外

採訪

太原路河曲縣主簿石君墓趙璧書皇慶元年

歲次壬子四月朔丙寅十有二日丁丑

闕下

按右石氏二墓皆在李狀元墓之東南數十

武石府君墓在東石君墓在西稍南

趙義墓

賜祭葬贈中議大夫趙義墓元至治二年曹州

尹男趙璧趙德立石在城南寧車灣

墓碣

鄭公墓在城東二十五里接駕庄

勅賜忠翊校尉濟寧路同知濟州事妻封宜人

張氏附至正元年六月日忠翊校尉關興路崇

德關判官文固授濟寧路單關二陰陽文瑞授

前關二路蒙古字學文亨立墓

楊公墓在城南路旁神道碑題大元贈亞中大夫

濟寧州總管輕車都尉追封宏農郡侯楊公之塋

據墓

潘克莊墓在城東泗水上據舊志

胡榮墓在城東五里俗稱皇親墓舊志

明宣宗皇后姓胡氏諱善祥世爲州右族曾祖
守儀福建侯官縣丞祖文友娶鍾氏生榮卽后
父也榮生二子長安次瑄女七后於次爲三長
諱善圉洪武初爲女官給事掖庭頗見任使官
榮錦衣衛百戶榮雖職居爪牙而立心仁厚處
事詳雅人謂有長者風永樂初遇例免官將北
還留寓斗門橋之官舍一夕夢元冠羽衣之神
謂曰毋過爾鬱鬱尋當大顯翌日后誕焉實洪
武三十五年四月初十日也旣長天性貞一容
止莊重有卜數者云此女當大貴不可言榮心

異之永樂十五年詔選皇太孫妃臺官奏后星
直魯地命太監黃琰馳驛至魯后與選焉先是
后獨居小樓旦日啟戶有紅白氣自戶出綢繆
繚繞彌月不散里閭聚觀以爲奇瑞已而果驗
仁宗皇帝嗣位冊爲皇太子妃宣宗登極立爲
皇后正位中宮授父榮光祿卿驃騎將軍中軍
都督府僉事兄安府軍前衛指揮僉事弟瑄府
軍前衛百戶宣德間海內宴安車駕頗事遊幸
后每乘間規諷無媚順態居常服食侍從澹如
也後以無嗣多疾上表請避位從之勅諭禮部

曰此皇后胡氏自罹多疾不能恭承祭養重以無子固懷謙退上表請問朕念夫婦之義拒之不從而懇辭再三益加惓切已從所志就間別宮其稱號服食侍從悉如舊后退居長安宮事黃老清靜之說遂更立貴妃孫氏爲皇后事在國史越十八年薨諡爲靜慈仙師時正統八年十一月初五日也公主二長卽順德大長公主歸駙馬石璟次永清公主未歸卒祔后葬玉泉山之陽英宗皇帝卽位勅禮部曰昔我皇考臨御之日母后胡氏讓位於我母后孫氏皇考已

從所志就間別宮厥後母后胡氏遵榮慕道益
尙清虛優游有年以至令終朕於時幼冲不敢
固違其志已尊諡爲靜慈仙師而凡祭葬之儀
亦惟是稱皆所以成其志也朕今思之母后之
志雖成而爲子之心終有未盡爾禮部宜會羣
臣仍議上皇后尊諡令所司修葺陵寢如制蓋
欲因其志之所安而致尊崇庶幾於禮於情兩
盡而無憾也於是禮部尙書姚夔等議上尊諡
爲恭讓誠順康穆靜慈章皇后

王佐墓在城南高村今名南北誥

明永樂時濟寧左衛指揮授明威將軍

趙輔墓在州東五里與胡榮墓近

狄崇墓在城南五里郕江原奉勅造

按郕江原今名狄家林

董將軍墓在城西三里營董家庄碑前題武畧將軍旁有永樂年月碑陰云將軍諱政政又似岐字不可辨

段彥時墓在城南三里許彥時精醫湖廣按察副

使呂棠爲之墓誌

採訪

趙榮墓在城南三里宣德時濟寧衛指揮授昭勇

將軍有御祭碑

舊志下全

楊浩墓在城東五里奉勅造

成化二十二年五月十四日戊午遣山東布政
司左叅政張盛諭祭曰爾以通敏之資擢秀鄉
闈歷判鹺司陞知畿郡勤於撫字而進叅大藩
克效旬宣而簡任方伯肆拜都憲之副丕著安
輯之勛顧委命之方隆乃懇辭以休致宜享桑
榆之樂何遽人世之遠追念往勞特賜葬祭靈
其有知庶茲欽服

于錦墓在城北八里九女堆

明兵部尙書蹇達撰墓表曰公諱錦字實甫別號東石其高王父穩自萊陽以良家子從成祖靖難徙濟寧爲衛人歷六世封承德郎戶部主事賢者是爲公父娶於孟封安人生四子而公爲長甫髫卽向父曰兒家世力田非經術無以亢宗遂下帷讀書久之業日精每試輒屈其儕伍癸卯舉於鄉甲辰成進士授戶部郎監兌於吳身處膏脂不以自潤旣竣事而舟發吳門出橐裝以示諸從吏蕭然圖書也王直指津津談之於是公之節籍籍薦紳間矣嘉靖庚戌大將

軍仇咸寧鸞借寵靈索軍需張甚公主餉通州
不少抑損刻意餉事視同舍郎先期鸞無以難
方公之脂車督餉也而安人在危城中公謂脫
城破安往安人曰妻道與臣道等耳君爲王事
馳驅如有急妾獨不能以頸血膏刃乎公壯其
言而事以集安人有力焉擢遷河南臬事改任
楚臬辰州倅陳仕者廉吏也不善脂韋失督府
權坐謫戍公力辨其冤督府心銜之公不爲動
曰爲朝廷執三尺法奈何罪不辜以求合也歷
七年叅議越中又三年臬秦中亦以見拙宦云

饒與徽衛接壤故稱盜藪先是募越兵三千人待之及賊平而都御史欲驟解之以省餉乃移兵於饒以衛饒而陰寔奪之餉公再副臬於江西適分部饒州爲請餉者數矣一日兵中有夜譟者公度其實爲餉示居民無恐而以禍福諭之縛其渠二人而懲其黨十數人悉泥首歸命當是時公持片言玩悍兵數千人於掌股之上竟以無虞公誠有大造於饒而成直指特疏薦公中外快之俄叅知陝西政事再遷山西按察使右布政使尋轉左貴州貴州古鬼方土漢雜

居公所以保釐之者悉中肯綮其嚴操履如爲
郎時獨不習其風土謂安人曰吾入官幾三十
載兢兢奉職庶萬一酬主恩而茲衰且病安得
戀戀於瘴鄉也孺子可教吾以寄孺子乎遂拂
衣歸歸而杜門謝干謁自課子外日窺圖史或
賦詩於山水間公操心長者無多藏而好施予
俎豆於鄉名壽并隆云

靳學顏墓在城東二里許隆慶中奉勅修造

崔雲鶴墓在黃垞村

據碑

趙鄉并子崇璧墓在城北三里萬歷間奉勅修造

舊志

明大學士禮部尙書于慎行撰大將軍謙齋趙公墓碑文曰將軍諱崇瑩字國璋濟寧人也父曰白樓公以指揮起行間佩鎮朔將軍印總兵宣府將軍襲父官亦佩鎮朔將軍印總兵宣府父子皆名將也白樓公爲人狀貌魁梧髯垂及腹將軍頰面隆準音吐如鐘頤然修幹在班列無與齊眉白樓公御士嚴有紀律將軍沈鷺寬博得士心白樓公有才數而將軍用誠名長者然廉而好施則父子一也其先居魚臺六世祖

榮洪武中從軍爲士伍籍彭城衛榮生忠從靖
難爲副千戶籍濟寧衛忠生勝正統己巳入衛
握指揮僉事勝生雄雄生祿俱世官祿生卿白
樓公配張夫人一日夢虎嚙已寤而生將軍將
軍甫六七歲器度老成嘻笑多驚人語嘗羅篋
爲城斬竹爲戟分立羣兒揮之左右如肄鶴列
白樓公竒之及長好讀故記多所通曉善道說
卽經生談士莫窮其辯白樓公旣老家居將軍
當承父爵以獨子奉晨昏不忍去白樓公力趣
之乃行里丈人或善當路欲介書遊其名將軍

謝曰辱丈人念甚厚第方裹足出門未有尺寸
效輒從長者求知卽幸而試右非所願也里丈
人益重之旣襲爲指揮屬有河工將軍所築堤
堰視他校獨完由是知名檄掌衛篆益能其官
擢都指揮部六郡士戍薊門再畱守中都調萬
全都司陞大同叅將又協守副總兵駐老營堡
旣又四年召入爲中軍都督府都督僉事督京
城內外捕會大慶封驃騎將軍大父父贈如將
軍官大母母贈夫人又三年宣府大將缺擇禁
帥廉有才者廷推將軍賜璽書遣焉至則徧閱

諸屯堡部裨將修舉日夜行視不避風雨以是
勞瘁踰年上謁山陵輿疾提兵入衛至懷來病
困乞骸骨不許又疏請賜乘傳歸而將軍不起
矣將軍兩世北邊邊人德之及卒一軍皆爲流
涕濟父老以爲白樓父子咸有士風然無後相
與累歎悲之將軍爲將善撫士卒與同甘苦而
行法無所曲貸故創建修舉皆精堅可垂永久
其守衛篆也嘗核逸卒主名以所屯田出租取
代更焉所部舟無後至而逸者亦復其戍薊門
建敵臺第爲上上其叅將大同修石城五墾田

二千餘頃造甲三千其協守山西修石城一造
甲二千至鎮上谷修營愈衆未奏功以沒會貢
市成有詔故將軍崇璧久勞苦邊其令守臣往
祭賜金以葬蓋異數也白樓公歷將四鎮最後
雲中罷而餘田租八百金封識之帑歸則甚貧
沒無以葬及將軍仕二十年居多膏腴竟亦無
所漁獵或謂將軍少自潤將軍歎曰世皆知先
將軍不名一錢令兒子隕家聲何顏上先人伏
臘故將軍再世貴益貧然其仕長安傾身結客
至掃門爲具祿入不給以是名成爲大將云或

語予將軍以無子多內遺命遣之有二姬不去
夫人厚予簪珥曰未亡人旦暮從地下若屬安
歸乎行矣毋自苦二姬泣對幸備下陳不忍汚
志以死從夫人今夫人言若是奈何逡巡退而
縊於室釋之蘇乃與俱歸嗟乎此可以知將軍
矣將軍生嘉靖庚寅卒萬歷甲申配任氏封夫
人子女一適蘄安郡諸生于生曰自予遊長安
所聞見西北邊名將材器勲績固卓然可紀至
如操持廉慎終始不渝則無踰趙將軍父子非
鄒魯遺俗使然邪夫將患不廉耳誠廉何所不

濟烏問他哉

舊志下全

楊賢墓在城東

黃子美墓在城南高村

王湘墓在城北十二里

明東阿于慎行撰墓表公諱湘字大清居近六
逸之跡自號竹陽其先萊之平度人國初以士
伍西徙隸濟寧衛世有隱德至父贈公諱信施
人累善日益有聞初室於李舉漢及滄再室劉
舉公及江洧焉公狀貌魁碩弱不好弄未冠補
博士弟子與季洧同時聲相埒也嘉靖乙卯

計吏上乙丑舉進士以博學宏辭改爲翰林吉
士時館選久停首膺茂簡魯人榮之隆慶改元
解館爲山西道監察御史姜夫人卒於邸援省
僚例乞假得以喪歸期而逆宋夫人宋夫人者
故中丞鉅野宋公滄孫也禮成詣闕還報奉命
巡視內藏條列五事痛革弊習及設官吏平權
量如十庫法禁帑肅然出按貴州調畫機宜振
紀布惠蠻峒懼服無何請急歸省而丁母夫人
艱萬歷癸酉服闋北上塗遇海上運舟漂損過
當衛士冤號疏請亟罷海運專用漕輓以息民

勞有詔如御史議遣按順天時罷兩關使者以
公兼攝公身行障塞繩以三尺如其故使大將
軍以下奉約惟謹御史按畿內滿歲輒更程書
迫急獄囚久繫不時報遣多瘐死者公爲先期
核請論出二百餘人三輔無冤乙亥內察署河
南道故相有所風解執弗肯從以是見嫌推視
南畿學政從中沮止改按江西旋陞陝西按察
副使妖徒李一真聚衆行劫吏莫能制公授方
畧殲焉遷浙江布政司叅政分守金衢沅剡
蠡興革爲多義烏少年多去本業應募從軍公

命長吏加意拊安遇有召募應以浮民毋發閭
左壬午杭營之變衛兵聞風將謀不諛公乃登
壇集衆示以軍法健兒爲國暴露官不負汝毋
干黃鉞士叩頭諸弁迄無敢譁是年遷本省按
察使旋改山西至則擢湖廣右布政使期年轉
左上遣中貴人從司寇郎治江陵公爲藩長主
議請毋以故相播及全楚司寇從之籍其見產
以報無所材連中貴欲復遼國公請大集吏民
問便宜狀皆謂不可因據其議以復中貴弗能
奪也此兩事有大造於楚楚人德公而公爲故

相所抑反全其孥世尤多公長者每歲催稽賦
稅裁闕狹相貸宗人常祿給發以時毋使撓法
郡邑輸賦令官解自視衡石筦庫無與焉文書
上下應時給發或不越宿稽核賦法裒益盈縮
攝其要領著之圖籍以爲永式故事採木之役
內金於司受而出買弊端交多公度郡邑遠近
令以便宜召買司受其成不問出入費省而速
及他所裁損歲可鉅萬秩滿奏績策書褒美大
父宣父信皆左布政使大母唐母劉皆夫人兩
元配有今號焉居楚五年遷南京太僕寺卿抵

滁值歲不稔出秩金糴穀以倡賑施滁人賴之
未幾陞南京大理寺卿庭平爰書一以律文從
事無所唯阿嘉興陸公時爲司寇亟稱服之嘗
與一要人有卻遂構煩言上知公忠慎有詔廷
尉第歸今且召用矣公在位幾三十年奉法守
官誠心體國端方慎重事無妄發故所至皆有
績効去而見思平生恬靜簡朴無所芬華外坦
中介不工俯仰當塗故舊請問䟽闊歸日與昆
弟親戚醵社歡飲使車及門輒匿不見亦無報
書識者嚴之居家敦倫樹軌內行甚修子弟遵

其矩度一門雍睦動有禮法與鄉人處坦素謙
冲不作貴倨聞軍民疾苦輒爲言之吏或不使
知熒獨無告時有施舍里民頌義焉病而羣禱
於祠沒而悲嘆其得人如此卒年六十有六

郭汝墓在城東大將橋

于若瀛墓在城北八里九女堆于錦墓左

明萬歷三十九年辛亥五月丙午諭祭文曰惟
爾品格真醇才猷暢茂擢第有陳情之請孝切
哺烏運籌殫靖國之謨名高司馬速升華於卿
列益養重於留都暫領天閑遂膺節鎮憫三秦

之凋弊連章可泣鬼神布四塞之仁風挾纘每
孚士卒魂游岱岳淚滿峴山爰念勞臣特頒祭
典

陳伯友墓在城北五里

明崇正四年八月十一日遣分守東莞督理糧
餉兵備道山東布政司右叅政蔣如奇諭祭文
曰惟爾才猷練達器識閎深挾制策以奮跡巍
科筮大行而肅將王命清貞砥俗黃扉著補袞
之稱勁節匡時青鎖矢回天之力肆封章彪炳
久誇長孺之河東洎憲臬風猷矣載召公之分

陝已需節鉞暫擢奉常而爾政有苦心身無媚
骨林下幾年恬臥家徒四壁蕭然中外敬歷彌
艱終始孤貞不改憲邦未逮易簣俄聞朕緬憶
舊勲良深悼惜式隆俎豆永賁松楸撫淑配之
同淪表徽音于合體爾靈不昧尙克歆承

楊洵并子士聰墓在城西里許

明刑部侍郎萊陽宋玫撰墓碑文曰公姓楊氏
諱洵字暉吉號崑源世家濟其大父母父母以
公貴故貴公年十二有烈考喪張母淑人丁母
淑人孫母室君髻帶麻帷守視內務兄弟江湖

澄湛河溢濂汲及公毳杖靈衣左右耐外事往
來外弔者聞公泣哭咸臨視勻耐袖半面擴門
求出初烈考未老愛視公曰大家門者必是子
訣絕諸兄必告言公知公也公敬恭遺教勉自
決擇能委已於伯氏而簡經藝書文以瞻養其
性出應萬大司空試錯襍千人中光氣動司空
司空念之置第一是時鄉老知事者皆曰某亡
某之子之文足以起其人某不亡也公旣九兄
弟家猶九析公與兄汲侍丁淑人弱承一門諸
兄弟子員例復其身事勢相驅汲以身困淑人

取公之業績之公亦困爲秀才補餼石裹飢粥
汲又掾職隔流在外不日兄故母故我故畧動
其心由是鄉老知事者又能料公藏器將必措
之邦國而施之於民萬歷四年中式舉人年二
十一士情炎炎謀稻梁手足交走公乃自飭理
不干官人官人不敢弄以心己卯年二十四有
張淑人喪黽勉終事諸兄告不足顧謂涕曰我
自靖我道如是也汲汲斬斬庀有就六姻會哭
皆稱如其禮二十年公於時蓋年三十七對策
神宗二甲七名賜進士第除南京刑部江西清

吏司主事二十三年調禮部精膳司署郎中在
刑部擢摘良奸有貴而麗者曰法在治之有富
而麗者曰法在治之有貧災而麗者曰法在宥
之罪人盡情則生死爲恩天子勞之甫居禮部
晉知揚州府二十九年考績晉浙江按察司副
使備兵防海仍轄本府公自初平民之訛亂凶
驕槌擊制使之徒者蠲去屬州縣負逋之緡錢
凡百千萬凡減倍半者江海戟戍醪犒惠鮮者
稽人士之藹鬱自奇者開館廩其無力次其胄
之姓族者廉風俗故事存諸長老者開官河而

商不利商不利乃民以利者條漕官便宜又以
上利國家者張皇戎兵之嬉媮者公盡心於揚
先後五餘歲云乙巳晉叅政備兵蘇松蘇松之
國地少人滿農仰於商女子勞於丈夫既染繡
之藉二三其畝稅丁錢而輸納導行又數倍其
本事海壩邑市鼠留爭水泅波驚沒轉相魚劫
蜂營蟻屯勢者爲招故官民憚惜若不可爬梳
公至悉去之民人呼喜居二年公兄汲卒丁淑
人慟公棄官歸郡人阻留公竟歸曰鳩杖不老
吾可以老矣越辛亥三十九年丁淑人喪公昊

天哭哭爲病公之病始諸此喪除天子念之
寧前備兵不就尋改易州不就又改淮徐廵三
命就之居三月不樂又棄官歸公出處終始將
此定矣夫道教凌遲箋註紛汨誣民賊天莫知
埃極君子之責也公勗志在昔道老愈尊接聞
公言如遠客得歸以故士好自見無不捐氣才
折勢體求爲門人門人之功者名者股肱四輔
者固皆公之門人也今上天啟四年公嗣人士
聰公中式舉人舉人竹公公樂家門復無須大
然更大之公知之亦猶烈考之知公也七年春

公卒公配聶淑人承衾啟手足公舉人雞斯匍
匍升屋而號公孫通睿通俊通久衰四升其哭
就位公几杖封而在公冠履列敦彝而在公文
言嗜樂孫子知之山川藏之久無不在公如也
嗚呼公保民幹國勞在上下今之鄉老知事者
夫孰知其事親敬兄者舉此而厝之而皆本於
學問之途哉公生嘉靖丙辰卒天啟丁卯壽七
十二此爲公之墓

鄭瑄墓

鄭文炳及子真墓在北郭城蔭村

有古柏六
十餘株

鄭父子先後佐中樞茂著邊功文炳守寧國
守南康大名俱有惠政死之日至不能具棺殮
總河麻城劉公嘉其行捐俸立綽楔鑄誥勅於
懸竈之石復捐公費銀置墓田百畝奉祭祀田
在塋之四圍孫孝廉鄭容鄭與僑皆能恪守先
業四時俎豆焉其先刑部主事鄭瑄殉土木之
難骸骨未歸殮衣冠而葬之墓亦在此

徐標墓在州西十八里安居

以上舊志

王天祐墓在城東大寨

採訪下全

潘士良墓在州北五里滿家莊墓碑汪士鋐書坊

何焯書山高水長四字

坊為康熙己卯補建見潘兆遴知非瑣言

王道新墓在城西八里營

王天眷墓在黃垓

岳登科墓在城北登科鐵嶺人康熙九年任濟寧

道

李楨墓在苗家營壻劉淇誌墓

劉毓秀墓在城東八里孫柏安徽按察使附葬

劉汶墓在八里鋪

劉淇亡弟魯田墓誌銘君諱汶姓劉氏魯田字

也本河南確山人王父諱顏考通議大夫山

段氏先塋在嘉祥縣西酒莊

明劉之亮重修元名臣段公先塋碑記謹按前牒段公諱楫者以元天興間仕爲山東行省叅謀始家於嘉祥縣之酒莊社以公廉精幹封中議大夫歸德府知府上騎都尉追贈鉅野伯一子諱証仕爲柳州路治中封太中大夫濟寧路總管輕車都尉追贈鉅野侯子三人長諱廷珪仕爲太中大夫鎮江路總管季諱廷州判仲諱廷珪仕爲太中大夫鎮江路總管季諱廷瑞仕至徽州萬戶府知事以上三世俱葬酒莊西原麟塚之東墓四方八十畝翁仲羊虎暨元集賢大學

此下當有吳江州字碑記脫去

士王思廉墓表存焉迨及國朝子姓星散各爲兆域
多在章山長直之里今黃門給諫諱然者其嫡派也
數世以前僑寓楚之江夏數傳及公以射策成進士
登萬歷乙未朱之藩榜晉秩諫垣職司封駁明目張
膽論列侃直錚錚有聲前歲以御命北上聞道出嘉
祥趨前壠展謁之搜其族姓之在嘉者合而示敦敘
焉仍貽書不佞曰嘉祥余梓里也遠祖仕勝國著宦
績者累世掩玉西郊閱歲久矣華表僅存松楸告萎
水木縈思首邱重念於我心有悽悽焉明府實惟余
長竊願微寵靈焉不佞乃爲之新其垣楹增其坊表

耶嗚呼已而已而

衛園集

喬世臣墓在城南郗江源

張士藻墓在馬房屯

曹鑑倫撰墓誌銘濟寧有砥行力學之君子曰
張君諱士藻字抒采爲明勛裔隸臨清衛籍始
祖諱從世世襲千戶自中葉失官至六世祖諱
理卜居濟寧之西鄉馬房屯祖諱遷號南莊者
又徙於屯之北家焉父諱震以好善名於鄉生
二子君其仲也幼有夙慧年十九與兄士蘊同
補博士弟子員性至孝明季盜賊充斥其鄉遇

警君時在安居鎮倉皇赴難奮刀躍馬諸少年相率從之賊驚散去而父母得安先是有以危言力阻之者君泣曰父母罹難子忍獨生乎辛巳歲父以疫疾君衣不解帶目不交睫者三閱月父病且死君抱持痛哭竟日而父得復生人謂純孝所感也逮歿事母尤以孝聞無間於宗族間黨之言且篤於同氣與兄同居四十年式好無尤念兄多病以長子爲之後未三載而兄與子俱歿哭之過時而悲其於女兄弟亦然養其甥之孤者俾有成立推而敦睦族誼猶子從

孫以百計皆休戚一體婚姻死喪傾囊資助以
及里黨困乏推解不少客有趙某者以事繫獄
將鬻其子君助以五十金且率隣里白其冤有
于某陳某者各以夙所負三十金持還君却之
曰先人之券已焚矣人尤以爲難其爲德於鄉
者不能枚舉也少自力於學數踏省門不得遇
曰我有子可教矣浩然不以屑意也先娶於王
於米皆無子後娶於左一乳生爲經兄弟君不
及見爲經成進士於康熙己酉七月二十三日
寅時告卒矣距生明萬歷壬子二月十一日卯

時得年五十有八嗣後秉持家政課子成名則
皆左之力也左爲濟寧望族年十九歸杼采舉
案相莊撫米所出女如己出教孿生兩子慈而
嚴杼采君歿姑逾八旬爲經兄弟裁十歲耳安
人堵挂門戶荼苦備嘗臨事其姑迎養其母備
物盡志宗黨嘖嘖孝婦孝女無異詞夫孝百行
之原也杼采以孝兒見稱於其母而左安人復
以孝著聞嗚呼亦難矣又聞爲經之在桂東也
訓以努力盡職黷貨爲戒今爲經以治行奏最
備臺省之選皆安人有以成之可不謂之賢乎

哉乃爲經奉召入都方幸與母相見而安人已
於康熙壬午十二月十八日未時得疾卒距生
明天啟丁卯七月二十九日未時享壽七十有
六先爲經之歸十日耳此爲經所以椎心泣血
抱終天之痛於無涯矣爲經辛未進士湖廣桂
東縣知縣調繁寧遠今行取候考選娶潘氏繼
娶馬氏次爲綸歲貢生娶靳氏繼娶仲氏女四
人皆適名族孫五人秉琳歲貢生延慶庠生延
祚秉瑯延禧孫女五人曾孫一人今年甲申十
月爲經持行述乞銘於余曰先君之歿已三十

餘年矣今將以乙酉二月二十日舉我母而合
葬焉敢以刻石之詞請往余甲子主山東省試
舉爲經第五人今見其容有墨而言之哀也深
嘆其能孝蓋有得於其賢父母者與爰按其所
述以誌之而爲之銘曰以遇則嗇以德則豐旣
豐厥德令譽何窮闡德配之門闕以崇一乳兩
子長則顯融有光熊熊銘此幽宮

研露
堂集

張爲經墓在城西安居

潘應賓墓在城東北黃垞益都趙執信書表

仲永墓在仲家淺

黃孫懋墓在城北方家莊

李燦墓在城西三空橋南乾隆六年

賜祭葬

呂九如墓在城北二十里鋪乾隆二十年

賜祭葬

琉球貢使阮大鼎墓在濟陽橋

乾隆三十年三月五日大鼎朝貢京師回卒於
德州其都通事魏獻蘭請於濟寧安葬以便貢
使往來省祭從之例給棺木銀二十兩遣官致
祭地基一畝三分五釐方十步知州張爲獲主

葬四月十二日立石題云琉球國副使正議大

夫阮大鼎宜部親雲上墓

文卷

御祭文遠人效歸化之義入貢天朝國家隆卹死之恩
均施外域爾阮大鼎因使入貢跋涉遠來黽勉急公間
關况瘁方期早竣厥事不意在途遽殞朕用憫焉特頒
祭典以慰幽魂如爾有知尚其歆享

惠應詔墓在城東林家橋

朱文震墓在東鄉古柳樹

文震字青雷歷城人在義之孫爲廣西州佐丁
憂服闋保舉充四庫館校書善隸及詩畫名重

公卿間乾隆丁酉卒于京師葬濟寧

史本八墓詩

披榛出東郭細雨洒荒邱時讀殘碑字感深古木
秋上書止佞佛執法剪豪流一片白楊影北風吹

暮愁

楊副都浩

弓冶傳清緒才華著昔時九齡蘭谷論廿載峴山
碑宛水蘇兵困天雄荷帝知空憐堂構在仰止有

餘悲

鄭太守文炳及子太守真

吁哉兩城墓寂寞傍河洲當日避新鄭而今餘故
邱孤松寒結露石馬夜鳴秋大雅無時作山高水

自流新少宰學顏

平郊十里外廷尉有高墳不避江陵相來叅越水
軍老成欽國士方正著奇勳酌酒皇華道西山起

暮雲

王大
理湘

吾郡于襄敏西秦有直聲二書皆不報一志未能
行氣節凌山岳文章達帝京豐碑垂奕禩松柏自

菁菁

于中丞
若瀛

兄弟九人耳青年孤且貧潛心窺理變立志作名
臣疏洩鹽城水法援瓜渚民只今原上草猶放曠

陵春

楊大
叅洵

絲綸吹永賁來拜太常塋石獸臥荒草金章標令
名直言斥璫監密策護邊城每讀名臣傳東林恨

未平

陳太常
伯友

買棹安居鎮荒原葬尙書忠魂碧血汨皓月青燐
虛戍壘牌堪碎泉臺恨有餘蕭蕭楊葉落風雨沸

邱墟

徐尙
書標

補遺

金丁氏墓在城東之南井集石闕明昌時建有勅

授南陽葉縣令第十一代孫丁克儉十六字闕下又

有碑在土中不可辨

採訪

明楊將軍墓在城西馬場湖濱三空橋有贈懷遠

將軍濟寧左衛指揮同知楊

名字闕

碑洪武甲寅立

衍聖公孔希學撰文

採訪

顧孝女墓在狀元墓下姑蘓人其事實不可考據
墓碑採入

陳永清墓在濟安臺南

採訪

金鄉縣

漢昌邑王墓在金陵集山上蓮花七峯下前有三

台山對峙

縣志

焦氏山東卽金鄉山也有冢謂之秦王陵山上

二百步得冢口塹深十丈兩壁峻峭廣二丈入

行七十步得埏門門外左右皆有室可容五六

十人謂之白馬空埏門內二丈得外堂外堂之

後又得內堂觀者皆執燭而行雖無他雕鏤然

治石甚精或云是漢昌邑哀王冢所未詳也

水經

注

按縣志甚鵲突附水經注一條以相參考金

陵集未知何在

東漢朱鮪墓在縣西三里前有石堂尚存全上

蒍水又東逕漢平狄將軍扶溝侯淮陽朱鮪冢

墓北有石廟水經注

范巨卿墓舊云在鷄黍城南明知縣李國泰表以

碑通志嘉祥大鼎山有范式墓諺云大鼎山前十

八塚末末東頭范巨卿則金邑宜無范墓全上

魏太尉滿寵墓在金鄉縣境有碑天下碑目

元高顯墓在城西十五里官徐沛滕三路總管

孫青墓城南樂城東金鄉尹

明魯昌邑王墓在縣西四十里

兗州府志

孝子李春墓城西七里

縣志

馬義烈女墓在西門橋北十餘步卽其死節處

全

○嘉祥縣

宗聖曾子墓在縣南四十里南武山西

兗州府志

漢太子墓在縣南三十里紫雲山西上有石亭堂

三座年久沒於土下盡者三四尺石壁刻伏羲以

來詳瑞及古忠孝人物極其纖巧漢碑三尺許在

土外中有孔文字模糊不可讀相傳爲漢太子墓

云

范式墓在縣南二十五里大鼎山前

金鄉山秦王冢東南有范巨卿冢各件

一作石柱猶

存巨卿名式山陽金鄉人漢荊州刺史與汝南

張邵長沙陳平子交號為死友

水經注

郗鑒墓在縣南七里郗城旁墓前二石臺高約二

丈悉鏤花卉其頂則斗拱工細鱗瓦參差砌石成

門而中斷其半望如燈檠俗因名燈臺山

晁端仁及夫人錢塘縣君葉氏墓在任城縣魚山

集
下全

晁仲熙墓在任城縣諫議鄉呂村之原

晁端本及夫人閻氏墓在任城縣魚山

晁端仲及夫人胡氏墓在任城縣呂村魚山

晁仲參及夫人壽安縣君公孫氏墓在任城縣魚

山

劉諫及配孟氏墓在任城縣呂村原

王龜齡及夫人晁氏墓

張鼎及配許氏孫氏墓在任城縣諫議鄉呂村

以上

並見雞肋集

晁端友墓在任城縣呂原

黃庭堅晁君成墓誌銘

按嘉祥縣志釣魚山下有晁錯墓夫錯爲南陽人墓安得在此應是晁氏祖墓夫所謂釣魚山當卽宋任城之魚山自金時析鉅野及任城地置嘉祥縣而魚山始不屬任城矣

晁補之墓在縣西南十五里青山宮秘書省正字
翟師軻墓在縣東南瑩山之陽鄉貢進士有文集
行于世

段廷珪墓在縣西二十五里麟冢東北元鎮江路
總管父子兄弟俱爲名臣墓方八十畝翁仲石馬
羊虎俱在

四川按察使諱毓秀君其季子也生而穎悟過
絕人年十八舉山東丁卯鄉試既連不得志春
官卽絕意仕進於書無所不讀皆能深知其柢
奧肯綮少多病學鑒輒往往先時處人生死有
驗已乃學佛斷棄葷肉數數病最力不少變旣
揀選終不一謁選人勸之仕笑而不答性孤峻
喜智數剛果好斷常爲人所不肯爲愛憎之口
或不能齊然其高朗洞達要非流俗人所可庶
幾者使天假之年磨礪湔濯以造厥成其必有
可觀惜乎其止于是也所著太極論一卷凡十

餘萬言雜文一卷詩四卷易簣時精明搢拄畧
無昏廢謂君了無所得不可也卒於康熙四十
六年十月七日得年三十有八娶戴氏男子二
潤根潤本女子一越四十八年三月二日葬於
濟寧城東八里舖之兆淇君之仲兄也吾兩人
齊契同方於兄弟之中尤有朋友之誼自君之
亡失左右手痛君惜君曷維底耶爰誌其藏而
爲之銘其辭曰先大夫之澤將於君乎克家而
君遽然其謂之何匪夫人之才遂無以觀厥成
云何其嗟雖然生不競榮死不怛化無亦或弗

核其衛塋之田沒於民間者出而復之如數且爲之
禁樵牧示守護焉閱數月而事竣乃復署貞珉爲文
紀之曰猗歟休哉夫人世庚移滄桑屢易吳札之劍
已灰於夜臺漢儲之魚久湮於潛閭焉鬣牛眠沒者
何算繄自勝國迄於今朝歷禩數伯其間龍戰鹿逐
雲擾鼎沸兵燹幾經能使一抔之土常新三泉之固
不毀者曾幾何哉乃公家遺塚佳城鬱鬱巋然獨隆
而三伯年後復有都諫公崛起而灑拂焉是惟天眷
勛庸神明呵護陰隲長發夫是以後光輝映愈久愈
新也公今正色凜朝端直聲震海寓華夷仰望秉均

曳履可計日臻者勛猷鴻駿大軼前烈南荆東魯異

地同光詎惟一姓一鄉之榮予小子且叨隙照無涯

矣謹記

萬歷三十八年季秋教諭孫有光訓導陸卿典史蕭可逢仝立石

按嘉祥城西二十餘里酒莊社有段氏祖墓其在
元時祖孫父子並以宦績顯百年以來子姓散落
墓地凡八十餘畝頗爲他姓所侵乾隆四十四年
己亥旁有尺許地忽自陷遠近訛言或於穴內得
諸葛自燃釜于是段之子孫居鉅野名克昌者入
穴窮之乃得明萬歷庚戌嘉祥令唐山劉之堯所
撰重修碑記出之訟於官久之始得歸其侵地

張總管墓在縣東南花林山下翁仲石馬羊虎華表穹碑在焉總管無子有女嫁衍聖公孔氏至今祀之舊志逸其名

滿讓墓在縣南二十里官禮部尚書

曹玉墓在縣東橫山官簽事

黃嘉賓墓在縣北小青山官太僕寺卿

李溫墓在縣東南禮山前官濟鄆二州都巡史

孫孜墓在禮山李溫墓後

○魚臺縣

古伏羲陵在縣東北七十里其前有廟路史云陵

在山陽今曲阜鄒縣嘉祥境內皆有伏羲廟以此

故也

兗州府志

元赤琰顯忠墓在縣東五里大聶村封濟寧郡伯
明魯鄒平王墓在鳳凰山麓之東諱泰塋明魯藩
靖王第三子也宣德四年封薨葬此

滋陽王墓在鄒平王陵西長壽寺側王諱當漬明
魯藩莊王第一庶子也成化十四年封薨葬此

義塚

○在城及東關二舖康熙十七年濟寧道岳登科
施地五畝康熙二十年王子洪施地六畝康熙
七年邢帶欽施地二畝 河東四舖雍正六年
蕭梅施地七畝 南城八舖明萬歷十九年韓
和尙施地七畝萬歷二十五年袁湯施地四畝
萬歷二十六年董正堦施地六畝萬歷二十七
年董尙志施地八畝康熙二十一年鄭國柱施
地三畝 馮段村萬歷間濟寧知州唐世柱施
地十畝康熙元年甘露菴施地二畝 中新牐

康熙十二年秦雙泉施地十一畝康熙二十九年高士顯施地五畝四分雍正十年李瑞貞施地十一畝西關一舖萬歷四十三年濟寧知州唐世柱施地三畝康熙十八年李朝紀施地五畝北關一舖康熙三十年潘兆遠施地三畝

按兆遠是兆遠之說

○東鄉班村康熙三十年楊毓延施地六畝康熙三十一年楊淑旺施地四畝康熙四十年楊曉曙施地三畝康熙五十年潘兆遠施地四畝孫氏店順治十年玉皇廟衆姓施地三畝觀音

堂衆姓施地一畝 孫氏牖康熙二十一年季
成玉施地三畝 杏林莊順治七年張連如施
地三畝 南賈村順治十年娘娘廟衆姓施地
三畝五分康熙元年關帝廟衆姓施地三畝康
熙十年觀音堂衆姓施地二畝五分 黑土店
康熙十年張朝程施地一畝康熙三十年楊拔
茂施地三畝雍正元年陳際森施地一畝 上
吳家灣順治八年常汝洩施地二畝 下吳家
灣雍正五年蕭梅施地七畝 接駕莊順治五
年趙天開施地二畝康熙二十五年宋心坦施

地三畝 南貫集雍正五年李廷柱施地三畝

五分 登豐里順治九年熊克承施地一畝順

治七年柴士禮施地一畝八分康熙三年任甫

友施地一畝三分 荆塚集康熙五年程爲同

施地五畝一分康熙十年伊起山施地五畝六

分三釐 高蘇莊康熙五十年楊義道施地四

畝 姚安莊康熙五年李獻可施地二畝康熙

四十八年李獻可施地二畝

○南鄉趙村牐雍正二年蕭梅施地五畝 新店

牐順治九年張永茂施地八畝 小流店順治

八年李明於施地五畝順治十年張克緒施地
五分康熙十八年秦應貞施地五畝康熙二十
九年秦元祥施地四畝 仲家淺康熙二年仲
洪烈施地二畝二分 北牛頭河明萬歷二十
四年鄭儒良施地四畝八分

○西鄉西三里營順治二年廣德菴施地二畝順
治十年張振吾施地三畝 西五里營萬歷三
年謝山坤施地二畝 大長溝萬歷四十五年
王永基施地二畝萬歷十二年孫珍施地三畝
八分 南河長口順治十年觀音堂施地一畝

康熙十年李成美施地五分

○北鄉黃垞康熙六十年張公威施地五畝雍正
八年王秀章施地四畝 夏家岡康熙六十年
李永宗施地四分雍正四年王紹祖施地六分
雍正六年張文法施地三分 耿務村康熙五
十五年閆文輝施地六分康熙五十七年關帝
廟施地二分康熙五十八年鄭應春施地三分
康熙五十九年李太如施地三分康熙六十一
年丁天木施地三分雍正三年鄭士恆施地三
分雍正五年李純吉施地五分雍正七年天齊

廟施地三分雍正八年鄭宏思施地一分雍正九年王洪子施地三分雍正十一年王廷賢施地四分高村康熙十六年馬驥公施地五分康熙四十七年戴靳氏施地三畝康熙六十年唐明施地一畝三分雍正十二年駱天保施地二畝安阜村康熙四十年張泰然施地三分康熙五十年鄭心又施地三分南照寺康熙六十一年楊萬春施地三畝雍正三年楊煥章施地二畝北二十里鋪康熙三十年觀音堂施地五分康熙五十五年駱惠也施地六分

房葛舖順治十年李可振施地一畝康熙元年
李淑安施地二畝江燦施地三畝 康莊驛康
熙五十六年徐方平施地一畝五分康熙六十
年觀音堂施地一畝

以上俱
文案

新設義塚

義塚碣乾隆四十二年丁酉濟寧直隸州知州
定海藍應桂捐義塚一則地二十畝坐落三里
營歲納正耗錢糧一兩一錢一分六釐九毫正
耗漕米二斗二升五合二勺案存戶總科官爲
捐納地交玉露菴住持經管不許耕種凡有葬

埋以次安厝在大路溝內取土給與號簿隨時
登記勿得遺漏外別捐地五畝給玉露菴常住
爲永遠香火之用立石爲記

金鄉縣漏澤園在東郭外三里

堯州府志

嘉祥縣漏澤園三處一在橫山後邑厲壇西一在
城東三里一在城西一里
魚臺縣漏澤園在西門外

卷之十 古蹟

房葛舖順治十年李可振施地一畝康熙元年

李淑安施地二畝江煥施地三畝 康熙縣志

熙五十六年徐方平施地一畝五公康熙六十

魚臺縣志署園在四門外

地東三里一畝地西一里

嘉禾縣志署園三畝一畝在山外邑風臺西一畝

金嶽縣志署園在東潭外三里

魚水嶺香火台立石為碑一六釐九毫正

登臨以舒鬱鬱我民計此正端餘王靈恭常并

駐以次交晉并大猷戴丙班士餘與張萬訓

